



Le scomenciamënt di campionać dl palè 2014 - 2015 é trêš plö daimprò y i sogadûs se alenëia bel cun gran impëgn por fa garatè na bel sajun. Bëgn set é les scuadres in chësc ann daulache al sùga sogadûs da La Val. Te chëstes é ince la squadra di "Altherren", che é jüda in chësc ann da mët indô impé y alenada da Davide Moling.

La nōia sajun vëgn trêš plö daimprò y les scuadres s'é da bel da fa por rovè bun preparà al scomenciamënt dles partides da d'altonn. Na gran novité in chësc ann é dessigü la squadra di "Altherren", che é indô jüda da mët impé do val agn, de chësta squadra fej pêrt sogadûs ince da atri paîsc dla Val Badia. Al é stè Davide Moling che à surantut le laûr de alenadù de chësta squadra. Ai Altherren ti va les miûs aodanzes da pêrt dla Uniun por na buna garatada dl campionat 2014-2015.

La squadra de 3a categoria é ince indô motivada a mët man le nû campionat, le salt ala 2 categoria ne ti é nia garatè ala squadra tla ultima sajun, la determinaziun a fa le salt de cualité é insciö ciamò plö grana. Floriani Claudio é gnü riconfermè alenadù dla squadra. Bele da 3 edemes se alenëia la scaudra plö iadi al'edma y te chësc fin dl'edma él gnü tigni n pic ritiro de

dui dis a San Ciascian, plö avisa ite al Sass Dlacia, daulache la squadra à passè la nôt in tenda. Tartan chisc 2 dis él gnü tignì n alenamënt danmisdé y domisdé, trê sön la plaza dl sport a La lla y a San Ciascian. La domënia dales 17:00 él spo gni tignì n'amichevole de contlujiun di dui dis a La Val, cuntra la nöia squadra di Altherren. Chësc "mini ritiro" é dessigü ince stè na bela ocajiun por imparè a conësc i nüs sogadûs jogn dla squadra. L'Uniun ti aôda ince a vëi na buna integraziun tla squadra y de beles sodesfaziuns.

Ince in chësc ann era jüda da partì sö i sogadûs jogn y manco jogn da La Val pro scuadres dl'alta y dla bâsa.

Chëstes é in cürt les scuadres di mituns daulache al sugarà ince i sogadûs da La Val:

U - 10 (squadra La Val)

U - 11 (squadra S. Martin - La Val)

U - 13 (squadra S. Martin - La Val)

Giovanissimi (squadra Val Badia)

Allievi (squadra Val Badia)

Le program dles partides dla nòia sajun 2014 - 2015 gnarà publiché plö inant. A dütes les scuadres les miûs aodanzas por i campionać dl palè.

